

沈忠敏公龜谿集

沈忠敏公龜谿集卷第四

內制

麻制 批答 詔

除郭仲荀武泰軍節度使依前侍衛親軍步軍都
指揮使權主管殿前司公事制

門下勝負者兵家之常將帥莫先於賈勇于邦典解齋旄而
之大帝王尤厚于植恩眷我閩臣麗于邦典解齋旄而
茲久扈巖陛以彌勤爰因霈音式盼渙號具官郭仲荀
資稟沈毅節槩軒昂風流紹於故家氣略聞於殊域訓
齊士卒適程李寬猛之宜保障疆陲合孫吳擒縱之要
戰閭屢上勲盟孔昭自從朕於艱虞更飭身於忠謹屬

虜騎飲江而南下慮敵人並海而東侵授以偏師扼其
要路兵勢弗競避地踰一舍之遙物論旣騰啟途收六
纛之峻頃召還於裔土旋典司於禁兵謀謨慨然儀觀
偉甚念世類之祥未艾知功名之志不衰將勵山西之
勁臣遂付黔南之巨鎮周廬徼道總中尉之八屯錫盾
彫戈復元戎之十乘茲爲寵渥庸示眷私於乎伏波遲
留克成銅柱之略營平御名重願上金城之圖儻無愧於
古人益有爲於當世往復休命益勵壯猷可

賜朱勝非辭免新除右僕射不允批答

朕纘奕世之不基屬四郊之多壘眷求輔佐期共濟於
艱虞涉歷歲時久未聞於績效旣虛厥位益難其人允

惟舊德之良宜膺大政之託授之國柄蔽自予衷再從
廊廟之遊大慰寰區之望而乃露章薦至避寵牢辭彌
徇謙撝殊拂延伫矧卿元功在國隱德及民雅量足以
凝遠圖沈機足以斷大事萬方引領冀臻休息之期二
相同心克副焦勞之志毋留邦渙用穆師瞻

賜席益辭免侍講不允批答

朕惟商之高宗師古建事克致中興逮及光武干戈鞍
馬之間亦惟道藝不廢講論復漢中天之統朕心慕焉
肆於萬幾之暇他好弗親惟學是嚮躬御經幄延訪儒
臣庶求多聞宏益治道以卿學問之富師友淵源擢居
勸講之聯俾卒金華之業稽于僉論孰不謂宜奚事謙

撫過形控避往推所學紬繹而茂明之副朕虛仁卿亦與有榮焉

賜參知政事孟庾辭免通議大夫恩命不允詔

朕以閩越湖湘之間大憝逋誅根連蔓結脇我赤子盜弄庫兵宿師連年未克平殄眷然南顧實疚于懷乃輟帷幄之臣而總干戈之事卿義形于色慷慨請行揆策投機指授諸將羣凶隨以蕩滅數路爲之肅清坐使黎元復見休息論功甚茂盼賞猶輕時惟股肱必識朕意抗章避寵豈所望焉夫謙沖之節雖云可尙令出而寢卿豈不爲朝廷惜乎

再賜孟庾辭免不允詔

朕比遣師徒往平寇盜想山川之悠遠爰念懷歸憫臣
下之勤勞豈忘勸賞矧我哲輔夙有壯圖入則參與政
機謀謨足以決大議出則總提師律精神足以折遐衝
蠹茲嘯聚之羣詎費坐籌之畫指顧而定逋逃一空歌
杕杜之詩士方休舍變潢池之習民乃奠居褒律肆行
需章薦至載惟謙抑殊拂眷懷夫位高而志卑固云美
矣功多者賞厚猶用歉然往其欽承勿復固請

賜新除翰林學士知制誥綦密禮辭免恩命不允
詔

朕纂承丕圖戡定多難將欲德意志慮邕達乎斯民蓋
在號令文章鼓動乎當世翰墨之選茲惟艱哉卿學窮

本原文備體要代予述作亦既有年再隸職於卿曹復兼官於辭禁演綸滋久摘藻益工報淮南之書卿其視草而遣矣下山東之詔民將扶杖而聽之肆加卽拜之恩示予親擢之意奚爲遜避猶徇故常宜副僉諧之言往就久虛之次

賜新除禮部尙書洪擬赴闕詔

卿居列英髦望隆耆艾中臺曳履嘗冠從班外屏分符久寬憂顧迺念踐揚之舊豈忘簡記之勤爰錫贊書聿頒召節虛常伯之席式伫遄歸促舍人之裝應宜夙駕賜新知平江府趙鼎辭免不允詔

朕親撫六師肆覲羣后乃眷三吳之都會實爲二浙之

喉襟控扼要衝茲號股肱之郡慰存凋瘵宜得腹心之
臣卿節繁剛方器量閎達臨事絕回邪之見爲政多豈
弟之稱自初進爲皆朕識擢寘之言路論尤切於愛民
付以事樞志每先於許國退卽祠宮之逸薦更歲籥之
賒執德不回宅心無競是用起從閑適紆朕顧憂念孔
幾立朝見謂公卿之皆憚知寬饒治郡必使吏民之不
欺奚爲抗章尙稽就道勿循謙撝之節其承屬任之恩
賜尙書左僕射領江淮荆浙都督諸軍呂頤浩生

日詔

風威翔於北陸方迎朔律之嚴台象耀於中階爰啟高
門之慶是生賢佐來相朕躬位崇補袞之華日應垂弧

之吉式盼珍賜往介蕃祺倚毗廊廟之謨孰踰元老戡定邦家之難必享長年

賜敘復平海軍承宣使蘭整辭免恩命不允詔

朕比以乾象示變震惕于懷乃駿發於霈音用導迎於善氣肆加羣辟一洗庶辜卿飭身忠勤致位休顯頃從羈旅之役還典禁屯之兵宿衛惟恭訓齊甚力偶挂吏議頗鐫使名屬號令之布新宜班聯之復舊奚爲謙挹猶事遜辭往膺湔拭之恩勿忘奮勵之勇

賜張深程唐劉子羽獎諭詔

朕治兵南服屬意西陲眷秦雍之疆歲被胡塵之擾連巴蜀之阻日聞邊遽之驚念此傷夷痛如焚灼倚注樞

臣之重總提師律之嚴雖云堂上之奇兵自能制勝允藉
幕中之婉畫相與圖全卿起自儒家明於將略閱閱通
於禁筦未減頗牧之賢韜鈴贊於廟謨必合孫吳之法
山川跋涉歲月淹留挫強敵於方驕賈餘勇而再振執
訊獲醜斬將搃旗成茲克捷之功繄乃參佐之力算計
見效嘉歎不忘然念虎狼哮噬之無厭豈勝其忿熊羆
奮勵而有獲所戒者輕更懷持重之思助成戡難之烈
嗣膺異賞寧限彝章

賜新除慶遠軍節度使充醴泉觀使特封德清縣
開國子食邑五百戶食實封二百戶邢煥辭免恩
命不允詔

朕會朝方岳竣事合宮告宗祀之備成徧敷惠澤念后
家之流落未啟戚藩頗采彝章誠爲闕典自椒塗正長
秋之位屬翟馭從朔方之行感此傷心居焉累歲推朕
懷兩宮之意彼豈忘親廣朕加四海之恩茲爲篤近爰
設將旄之重肆開帥閫之雄匪朕所私繫國之舊曷形
遜牘猶避寵名況卿謙厚律身忠謹事上萬里歸于逆
旅諒險阻之備更五載服於故官亦靖其之足尙孚號
旣發僉言允諧勿復徇於勞謙其往承於茂渥

再賜邢煥辭免不允斷來章詔

朕追考祖宗之舊凡建節旄之雄自非勲德之優用
爲報稱必以宗嫔之懿昭其寵榮卿世爲德門居有賢

譽以儒臣之英而識通機祕以后父之貴而志絕豪華
熙事備成惠術徧舉聯長安之戚里所存幾人開慶遠
之帥藩姑循彝制其往承於異渥毋曲徇於牢辭

親征詔

朕猥以寡昧屬茲艱虞迫臣民愛戴之誠續正統於將
墜痛父兄播遷之難履尊位以何安夙夜以圖策慮並
用豈不能躬擐甲冑親冒煙塵乘將士欲戰之心慰黎
元厭亂之意然以兩宮萬里一別九年覬迎鑾輅之還
期遂庭闈之奉故暴虎馮河之怒敵雖逞於凶殘而投
鼠忌器之嫌朕寧甘於屈辱是以卑辭厚幣遣使通和
庶殫孝悌之思必徇哀恫之請至于土地梗絕生齒流

離師徒懷暴露之憂閭里起繹騷之歎繇朕不德嗟彼
何辜仰懷故國之廟祧至于貫涕俯見中原之父老寧
不汗顏比得敵疆之情稍有休兵之議而叛臣劉豫懼
禍及身造爲事端開謀和好信逆雛之狂諄率羣偷而
陸梁借彼援師倚爲威勢簽我赤子脇使征行涉地稱
兵操戈犯順大逆不道一至於斯警奏旣聞神人共憤
猛士在列怒髮上衝以謂逆順之理旣分勝負之形可
見皆願挺身而效死不忍與賊而俱生朕乃下詔總師
卜日引道前驅方戒積陰頓開天地鬼神罔不助順將
帥輔弼罔不協心今朕此行士氣百倍雖自纂承之後
每乖舉措之方尙念祖宗在天之靈共刷國家累歲

之恥殪彼逆黨成此雋功載惟風霜跋履之勤仍蹈鋒鏑戰爭之苦興言及此無所措躬然而能建非常之功必有不次之賞初詔具在朕不食言

賜川陝宣撫處置使司詔

朕紹國丕基遭時多難飭戎車於江左爲懷經略之圖列將鉞於關中欲存根本之勢豈虞強國專逞淫威敵勁弗支兵拏未解嗟蒼天之不弔宜悔禍于我家憫赤子之無辜重流毒于茲土寡德所致悼心何言賴我股肱之臣總護爪牙之任一戰克捷羣醜殲夷王靈由是復加士氣於焉再振然念興師累歲轉鬪一方被夷狄之係纍寧無淪陷之黨思祖宗之涵養豈有背叛之

心憑陵使然躑躑至此儻存疑阻殊咈招徠將束身而欲歸或懼刑誅之慘比復業而奠處或憂賦役之煩或立效而褒賞未加或負才而祿秩未稱疾苦無告愁恨何聊仄席以思當饋而歎於是下哀痛之詔布至意以宣昭施曠蕩之恩洗庶辜而拔拭沿邊將士應陷蕃之人非抗王師及侵掠入寇者並不得誅殺虜騎馮陵之際陷沒州縣官吏將士軍民皆緣事力不能捍禦致有脇從或遭驅虜至今困居本土或旅寓遠邊實爲殘破無曰背叛陷蕃之人能立功來歸者仰沿邊帥守保舉申宣撫司一面旌擢優賞其次雖未能立功而心在本朝有意懷來者各以元舊官職任使兵級弓箭手依舊

職名收管民兵願歸業者聽其閒才力可用特與拔擢
或有以前罪犯懷疑自危一切原貸或先曾立功未曾
推賞卽特與推賞因陷蕃廢業失所者寬其租賦免其
征役昨緣道路不通號令壅隔致遠方之民疾苦無所
赴訴專委宣撫司講究措置並從寬恤遍下諸處官司
施行咨爾有眾咸識朕心各堅奮勵之誠亟臻休息之
效故茲詔示想宜知悉

親征戒諭州縣詔

朕以逆臣劉豫稱兵南向警奏旣聞神人共憤朕不敢
復蹈往轍爲退避自安之計而重貽江浙赤子流離屠
戮之禍乃下罪己詔親總六師臨幸江濱督勵將士然

興師十萬日費千金動眾勞人懼所不免每一念此惻然疚懷尙覬監司帥守與夫郡邑小大之臣夙夜究心體朕此意凡借貸催科有須於眾者毋或縱吏並緣爲姦凡盜賊奸宄輒生窺伺者務絕其萌毋令竊發其或乘時搶攘恣無名之斂容奸玩寇失幾察之方至使吾民橫罹困苦有一於此必罰無赦候軍事稍平當遣廷臣循行郡國

招從僞士大夫詔

朕惟靖康兵革之難神器幾墜天命有在屬于眇躬夙夜兢兢罔敢自逸期與爾士大夫共雪大恥還我兩宮保有黎元永庇中土而強敵侵軼迫朕一隅叛臣乘時